



KOALICIJA ZA BORBU PROTIV GOVORA MRŽNJE I ZLOČINA IZ MRŽNJE  
КОАЛИЦИЈА ЗА БОРБУ ПРОТИВ ГОВОРА МРЖЊЕ И ЗЛОЧИНА ИЗ МРЖЊЕ  
COALITION FOR COMBAT AGAINST HATE SPEECH AND HATE CRIME

Sarajevo, 29.03.2016.

## **Reakcija Koalicije za borbu protiv govora mržnje i zločina iz mržnje povodom vandalskog čina u Mostaru koji se desio u jutarnjim satima 28.03.2016. godine**

**Koalicija za borbu protiv govora mržnje i zločina iz mržnje strogo osuđuje vandalski čin bacanja kamena s natpisom "Don't forget/Ne zaboravimo 93" koji je simbol podsjećanja na rušenje Starog mosta 1993. godine u Mostaru, kao i uništavanje okolnih ugotiteljskih obekata u staroj jezgri grada Mostara koja je pod zaštitom UNESCO-a.**

Koalicija za borbu protiv govora mržnje i zločina iz mržnje napominje da su samo dva dana nakon što je na brdu iznad Mostara osvanula šahovnica, nepoznati vandali rano ujutro 28.03.2016. godine u Neretvu bacili kamen sa natpisom "Don't forget/Ne zaboravimo 93", te su oštetili okolne objekte u staroj jezgri grada pod zaštitom UNESCO-a.

Nevladine organizacije - članice Koalicije za borbu protiv govora mržnje i zločina iz mržnje smatraju da je potrebno hitno preduzimanje radnji iz nadležnosti policije i tužilaštva u cilju rasvjetljavanja ovog slučaja i prevencije sličnih slučajeva u budućnosti. Podsjećamo da je nekažnjavanje govora mržnje i zločina počinjenih iz mržnje, kao krivičnih djela koje u svojoj osnovi imaju podrivanje nacionalne i vjerske netrpeljivosti, predstavlja prijetnju miru i stabilnosti u BiH.

Članice Koalicije za borbu protiv govora mržnje i zločina iz mržnje pozivaju nadležne organe, a prvenstveno Ministarstvo unutrašnjih poslova i tužilaštvo HNK-a da adekvatno reaguju, pronađu i procesuiraju ovakve i slične slučajeve, te profesionalnim obavljanjem svog posla sankcionišu svako krivično djelo **zločina iz mržnje i izazivanja nacionalne, rasne ili vjerske mržnje, razdora ili netrpeljivosti**. Članice Koalicije izražavaju bojazan da neosuđivanje pomenutog događaja neće doprinijeti procesu pomirenja u BiH. Ovim putem javno pozivamo sve odgovorne na preduzimanje svih potrebnih mjera kako bi onemogućili da svako buduće nasilje i pozivanje na nasilje postanu sastavni dio javnog i društvenog života Bosne i Hercegovine.

Koalicija za borbu protiv govora mržnje i zločina iz mržnje, osnovana je u januaru 2013. godine, uz podršku OSCE-a i Civil Right Defendersa. Glavni cilj formiranja Koalicije jeste zagovaranje za adekvatnu regulaciju govora mržnje i zločina iz mržnje u krivičnom zakonodavstvu oba entiteta i Brčko distrikta Bosne i Hercegovine, te harmonizaciju krivičnog zakonodavstva.

### **Članice Koalicije za borbu protiv govora mržnje i zločina iz mržnje**

Asocijacija za demokratske inicijative  
Centar za mlade KVART  
Civil Rights Defenders  
Fondacija CURE  
Fondacija Mediacentar Sarajevo  
Fondacija Istina, Pravda, Pomirenje  
Inicijativa mladih za ljudska prava Bosne i Hercegovine  
Otaharin  
Omladinska novinska asocijacija u BiH (ONA)  
Sarajevski otvoreni centar  
Udruženje BH novinari  
Vijeće za štampu BiH